

ତୀମଥୁଙ୍କ ନିକଟକୁ ପାଉଲଙ୍କ ଦ୍ୱିତୀୟ ପତ୍ର ତିମତିନେ ଡାଗ୍ରା ପାଉଲ୍‌ନେ ଦୁତିୟ ଉଲିଆଃ

ତିମତି ବଇ ବିସୟରେ ଉଃଡ଼ିକ୍ଲିଗ୍ ସାମୁଆଁ

ଦିତିୟ ତିମତି ବଇ ପାଉଲ୍‌ନେ ବାନ୍ ମେଁନେ ସିସ୍ ତିମତିନେ ଡାଗ୍ରା ଗୁଆର୍ ବକ୍ଲେ ଉଲିଆ । ଦିତିୟ ତିମତି ପାଉଲ୍ ଜିବନ୍‌ନେ ସାରାସାରି ବେଲା ଗୁଆର୍ ବକ୍ଲେ ଉଲିଆ । ଏନ୍ ବେଲା ମେଁ ରମ୍‌ନ୍ନିଆ ବନ୍ଦି ଲେଃକେ ୧:୧୭୨:୧୨ ପାଉଲ୍‌ନେ ଏତେ ତିମତିନେ ଜାବର୍ ସମ୍ପର୍କ ଲେଃକେ ବାରି ସାପା ବେଲା ଆମେକେ ଉଂଡେ ଡାଗ୍‌ଡେ ବାସଙ୍ ମ୍ୟାକେ ପିଲିପିୟ ୨:୨୨; ୧ ତିମତି ୧:୨; ୧:୧୮ ଏନ୍ ପାଉଲ୍‌ନେ ଅଁକ୍ଲିଗ୍ ଉଲିଆ ବାନ୍ ମୁଇଁ ଆଣ୍ଡିଡାଗ୍ରା କି ମଣ୍ଡଲିକେ ମୁଇଁ ରେମୁଆଁ ଡାଗ୍‌ଡେ ବାସଙ୍ ମ୍ୟାକେ । ବିନ୍ ଊକ୍ଲିଗ୍ ଉଲିଆ ଇଂ ୧ ତିମତି ତିତସ୍ ବାରି ପିଲିମନ୍ ।

ଦିତିୟ ଉଲିଆ ଗୁଆର୍‌ନେ ବେଲା ରମିୟ ରାଜ୍ୟନ୍ନିଆ ଡଣ୍ଡକସ୍ ଡିଙ୍ଗ୍‌ଆକେ । ତିଙ୍ଗ୍ ପାରେ ତ ଏନ୍ କାରନ୍ ଲେଃଲା ପାଉଲ୍ ବନ୍ଦି ଲେଃକେ ବାରି ତିମତିକେ କସ୍ ବିନ୍‌ସା ଆଦେସ୍ ବଡିଙ୍ଗ୍‌କେ । ପର୍‌ଡୁମ୍ ତିମତି ଅନୁସାରେ ପାଉଲ୍ ତିମତିକେ ମିର୍ ଗୁରୁଇଁନେ ବିସୟରେ ଗୁଲୁଏ ତରକ୍ ତିଙ୍ଗ୍‌ନ୍‌ସା ବାସଙ୍ ତିଙ୍ଗ୍‌କେ । ୧ ତିମତି ୧:୧୭-୧୮ ପାଉଲ୍ ତିମତିକେ ବାସଙ୍‌ଏ ଜେ ଇଡିଂଡେ ଗୁଲୁଏ କସ୍‌ବାନେ ବେଲା ଲେଃକେ ୩:୧ ।

ସାସ୍‌ର ବିଡ୍ରେ ଲେଃକେ ସାମୁଆଁକଂ

୧. ପାଉଲ୍ ତିମତିକେ ସାଲ୍ ତିଙ୍ଗ୍‌କେ ବାରି ଆମେକେ ସାଆସ୍ ବିଃଡିଂକେ । ୧:୧-୧୮
୨. ତିମତିକେ କାମ୍ ତିଙ୍ଗ୍‌ଡେ ଆଃସୁଏ ନ୍‌ସା ପାଉଲ୍ ସାଆସ୍ ବିଃଡିଂକେ । ୨:୧-୧୩
୩. ଇଡିଙ୍ଗ୍ ପାଉଲ୍ ଉଡି ଡାଆଁ ଡାଆଁନେ ଆଦେସ୍ ବିଃଡିଂକେ । ୨:୧୪-୨୬

- ୪. ବବିସତ୍ତ ଗର୍ଭନା ବିସୟରେ ତରକ୍ ଲେଖନ୍ୟା ବାରି ସତ୍ତନେ
ଗାଲି ସ୍ତ୍ରୀ ନ୍ୟା ତରକ୍ ଆଡ଼ିଙ୍ଗକେ । ୩:୧-୪:୮
- ୫. ପାଉଲ୍ ତିମତିକେ ଉଡ଼ି ରୁଆ ବାସଙ୍ଗରେ ଗୁଆରନେ ଆଡାକେ
। ୪:୯-୨୨

୧ ନିଂ ପାଉଲ୍ ପରମେସରନେ ଇକ୍ତାରେ ବେବକ୍ଲେ ମୁଇଂ ସିସ୍
। ଜିସୁ କିସ୍ତନେ ତାଗ୍ରା ଲେଖକ୍ଲେ ଜିବନ୍ନେ ପାର୍ମାନ୍ ତିଂକ୍ଲେ
ବିସୟରେ ରେମୁଆଁଇଂକେ ବାସଙ୍ଗ ନ୍ୟା ପରମେସର ଆନେଙ୍ଗ
ବେବକେ ।

୨ *ନେଙ୍ଗନେ ନିଜର୍ ଗଡ଼େଅ ତିମତିକେ ନେଙ୍ଗ ଏନ୍ ଉଲିଆ
ଗୁଆରଣ୍ଡିଂ । ଆବା ଇସପର୍ ବାରି ମାପୁ ଜିସୁ କିସ୍ତ ଆପେକେ ଲିବିସ
ବାରି ସାନ୍ତି ଦାନ୍ ଡିଙ୍ଗଲେ ।

ଦନ୍ୟବାଦ୍ ବାରି ସାର୍ଦା ଆଡ଼ିଙ୍ଗନେ ସାମୁଆଁ

୩ ନେଙ୍ଗନେ ଛା ଝାଇଂନେ ରକମ୍ ନେଙ୍ଗ ଆଣ୍ଡିନେ ଇସପର୍କେ
ପରରଲ୍ ବୁଦିରେ ଉପାସ୍ ତିଂରେ ଆମେକେ ଦନ୍ୟବାଦ୍ ବିଃଣ୍ଡିଂ ।
ନେଙ୍ଗନେ ପାର୍ତନା ଗୁଆରିନ୍ନିଆ ସ୍ଥିମିତିର୍ ଆନାକେ ମନେ ଏତେନେ
ବେଲା ନେଙ୍ଗ ଇସପର୍କେ ଦନ୍ୟବାଦ୍ ମିଃଏ ।

୪ ନାଁ ନେଙ୍ଗ ନ୍ୟା ଅଃନାଲେଖକେ ତାଗ୍ରେ ନେଙ୍ଗ ମନେ ମୁକେ ।
ନେଙ୍ଗ ଆନାକେ କେରେ ସାର୍ଦା ତିଙ୍ଗ ନ୍ୟା ଜାବର୍ ଇକ୍ତା ।

୫ ନାନେ ମ୍ନା ବିସ୍ବାସ୍ ଆନେଙ୍ଗ ମନେ ପଡ଼େଏ । ନାଁନେ
ବାଏଡୁକ୍ରି ଲୋୟା ବାରି ଇୟାଙ୍ଗ ଇତନିସା ତିରକମ୍ ବିସ୍ବାସ୍
ଡିଙ୍ଗ୍ଆରଡିଂଗେ, ନାଁନେ ତିଗ୍ ଆଡେନ୍ ଆମ୍ନାନ୍ନିଆ ବିସ୍ବାସ୍ ଲେଖକେ
। ଏନ୍ ସାମୁଆଁ ନେଙ୍ଗ ସୁମରନା ତିଙ୍ଗ୍ଣିଂ । ନାଁନେ ଆଡେନ୍ ବିସ୍ବାସ୍
ଲେଖକେ ତାଗ୍ରେ ସତେଆ ନେଙ୍ଗ ମ୍ୟାକ୍ଲେକେ ।

୬ ନେଙ୍ଗ ନାଁ ଆଡାଡା ଛି ବକେଲା ନାଁ ଇସପର୍ନେ ବାନ୍ ଆଣ୍ଡିନେ
ବପୁ ବାନାଲେଖକେ ଆମେକେ ଜିବନ୍ ବନ୍ୟା ନେଙ୍ଗ ଆନାକେ ତରକ୍
ଆଡ଼ିଙ୍ଗ ମୁକେ ।

୭ ପରମେସର ଆନେକେ ବୁଟନେ ଆମ୍ନା ବିଃଆବକେ ଶୁ । ମୈ
ଆନେକେ ବପୁ ଆଲାଦ୍ ବାରି ନିମାଣ୍ଡା ବୁଦିନେ ଆମ୍ନା ବିଃବକେ ।

☆ ୧:୨ ପ୍ରେରିକ୍ ୧୭:୧.

୮ ତେସା ମାପୁ ଜିସୁନେ ବିସୟରେ ସାକି ବିନ୍ୟା ଗିଆସ ଆଡ଼ିଙ୍ଗପା; ମେନ୍ୟା ନେଙ୍ଗ ବନ୍ଦି ନେଙ୍ଗ ନ୍ୟା ଡିଗ୍ ଗିଆସ ଆଡ଼ିଙ୍ଗପା । ଶୁଲ୍ଲା ଇସପର୍ ଆପେକେ ବିବକ୍ସେ ବପୁ ଏତେ ପେ କ୍ରିସ୍ଟ ଜିସୁନେ ନିମାଣ୍ଡା ସାମୁଆଁ ନ୍ୟା ଦୁକ୍ ଡିଙ୍ଗନେ ଡିଆର୍ ଡିଙ୍ଗପା ।

୯ ପର୍ମେସର୍ ଆନେକେ ଉଦାର୍ ଆଡ଼ିଙ୍ଗତେ ନିଜର୍ ପବିତ୍ର ରେମୁଆଁ ଆଡ଼ିଙ୍ଗବକେ । ନେଁଙ୍ଗନେ ନିଜର୍ ବପୁରେ ଆତେନ୍ ଆଡ଼ିଙ୍ଗକେ ଶୁ । ଶୁଲ୍ଲା ପର୍ମେସର୍ ନିଜେ ଇକ୍ତା ଡିଙ୍ଗତେ ବାରି ନିଜର୍ ଲିବିସ ବାନ୍ ଆନେକେ ଉଦାର୍ ଆଡ଼ିଙ୍ଗ ବକେ ବାରି ନିଜର୍ ରେମୁଆଁ ଆଡ଼ିଙ୍ଗ ବକେ । ଆତେନ୍ ଲିବିସ ଜିସୁ କିସ୍ତନେ ବାନ୍ ଆନେକେ ଅଃସେ କାଲ୍‌ବାନ୍ ମିଲେଲେଃକେ ।

୧୦ ଏବେ ଏନ୍ ମଞ୍ଚପୁର୍ନିଆ ପାଙ୍ଗତେ ଆମ୍-ଶ୍ରେ କିସ୍ତ ଜିସୁ ଏନ୍ ସାପା ବିସୟ ଆନ୍ ବକେ । ମେଁ ଗୁଏତେ ବପୁକେ ଗଣ୍ଡା ଆଡ଼ିଙ୍ଗ ବକେ ବାରି ମେଁନେ ନିମାଣ୍ଡା ସାମୁଆଁ ବାନ୍ ମାଡାନେ ଜିବନ୍‌ନେ ଗାଲି ଆନ୍ ବକେ ।

୧୧ ☆ଏନ୍ ନିମାଣ୍ଡା ସାମୁଆଁ ବାସଙ୍ଗତେ ବୁଜେନ୍‌ସା ଇସପର୍ ଆନେଙ୍ଗ ମୁଇଙ୍ଗ ବେବକ୍ସେ ସିସ୍ ବାରି ମାସ୍‌ଟେର୍ ରକମ୍ ସି ବକେ ।

୧୨ ତେନ୍‌ସା ନେଙ୍ଗ ଏନ୍ ସାପା ଦୁକ୍‌କସ୍ଟ ବାଣ୍ଟିକେ । ଜାଣ୍ଡେକେ ନେଙ୍ଗ ବିସ୍‌ବାସ୍ ଶ୍ଟିକେ ନେଙ୍ଗ ମେଁନେ ଅସ୍‌ଲି ସ୍ମାମୁଆଁ ବାକ୍ଲେଃ ବାରି ମେଁ ଆନେଙ୍ଗ ଆଣ୍ଡିନେ ଦାଇଡ୍ ବିବକେ ଆତେନ୍ ଚଲେନ୍‌ସା ମ୍ବାବିଚାର୍ ଦିନା ଜାକ ମେଁ ଆନେଙ୍ଗକେ ସୁବିଦାରେ ବଏ, ଏନ୍ ସଡ୍‌ବାବ୍‌ରେ ମ୍ୟାତେ ନେଙ୍ଗ ଏଃଜାକ ସମାନ୍ ବାବ୍‌ରେ ଆସା ଡିଙ୍ଗତେ ନ୍‌ଲେଃକେ ।

୧୩ ନେଙ୍ଗ ଆପେକେ ବୁଦି ବିମ୍‌କ୍ସେ ସଡ୍ ଆଣ୍ଡେଙ୍ଗ ନିମାଣ୍ଡା ବାବ୍‌ରେ ମନେ ବପା ବାରି ମାପୁ ଜିସୁ କିସ୍ତନେ ଏତେ ମିସେତେ ସତେଆ ଆଲାଦ୍ ବାରି ଦରମ୍ ବିସ୍‌ବାସ୍‌ରେ ତେରେପେତେ ଆଡ଼ିଙ୍ଗପା ।

୧୪ ଆଣ୍ଡିନେ ମ୍ବା ବିସୟନେ ଦାଇଡ୍ ପେନେ ଆଡାଡା ମିସୁତେ ଲେଃକେ ନେଁଙ୍ଗନେ ବିତ୍ରେ ବାସା ଲେଃକେ ପବିତ୍ର ଆମ୍‌ନେ ବପୁରେ ମେଁ ସାପାକେ ନିମାଣ୍ଡା ବାବ୍‌ରେ ବପା ।

୧୫ ଯେ ମ୍ୟାପେଲେକେ ଫୁଗେଲ ବାରି ହର୍ମଗେନା ଆନ୍ତାର୍ତ୍ତେ ଆସିଆ ପ୍ରଦେସ୍ନିଆ ସାପାରେ ଆନେଙ୍ଗ୍ ଆନ୍ତାର୍ତ୍ତେ ବଆରକେ ।

୧୬ ଡାଗ୍ଲା ଅନାସିଫର ଜାବର୍ ତର୍ ପାଙ୍ଗ୍ରେ ଆନେଙ୍ଗ୍ ସାନ୍ତି ବିବକେ; ନେଙ୍ଗ୍ ବନ୍ଦି ତାଗ୍ରେ ମେଁ ଗ୍ୟାସଃ ଆଡିଙ୍ଗ୍ କେ ଶୁ । ମେଁନେ ପରିବାର୍ ଆଡାତ୍ରା ଇସପରନେ ଦୟାଦରମ୍ କୁସାମୁତି ତିଙ୍ଗ୍ଣିଂ ।

୧୭ ରୋମ୍ ନଗରନ୍ନିଆ ଝେଟାକ୍ଲେ ଦାପ୍ରେ ମେଁ ଆନେଙ୍ଗ୍ ତୁରତୁରତେ ନେଙ୍ଗ୍ ଡାଗ୍ଲା ପାଙ୍ଗ୍ ଲେଃକେ ।

୧୮ ମ୍ମା ବିଚାର ଦିନା ମାପୁ ମେଁଇଂନେ ଆଡାତ୍ରା ଦୟା ତିଙ୍ଗ୍ଲେ । ଏଫିସିୟ ନିଆ ମେଁ ନେଙ୍ଗ୍ନେ ଉଡି ସାଆଜ୍ୟ ତିଙ୍ଗ୍ ବକେ ଯେ ଆତେନ୍ ସାପା ସାମୁଆଁ ମ୍ୟାପେଲେକେ ।

୨

କିସ୍ତୁ ଜିସୁନେ ମୁଇଙ୍ଗ୍ ବିସ୍ବାସ୍ ନେତା

୧ ନେଙ୍ଗ୍ନେ ପ୍ରିଅ ଉଙ୍ଗ୍ରେ ତିମତି କିସ୍ତୁ ଜିସୁନେ ଏତେ ମିସେକ୍ଲେ ବାନ୍ ମେଁନେ ଆସିର୍ବାଦବାନ୍ ଆଣ୍ଟିନେ ବପୁ ମିଲେଏ ଆଡବାନ୍ ନାଁ ସକ୍ରିସାଲି ତିଙ୍ଗ୍ ।

୨ ବାରି ଗୁଲେ ସାକିନେ ସାମ୍ନାନିଆ ଆଣ୍ଟିନେ ସାପା ବ୍ଲାଲିର୍ ନେଙ୍ଗ୍ବାନ୍ ଅପେଲେକେ ଜାଣ୍ଟେଇଂ ବିନ୍‌ଶ୍ଟେକେ ତିଗ୍ ବୁଦି ବିଃନେ ଇକ୍ଟା ଦେକ୍‌ରକମ୍ ବିସ୍ବାସ୍ ରେମୁଆଁଇଂନେ ଡାଗ୍ଲା ଆତେନ୍ ସାପା ବାସଙ୍ଗ୍ପା ।

୩ କିସ୍ତୁ ଜିସୁନେ ମୁଇଙ୍ଗ୍ ବିସ୍ବାସ୍ ନେତା ରକମ୍ ଯେ ମେଁନେ ନସା ଦୁକ୍ କସ୍ତୁ ବାପା ।

୪ ମୁଇଙ୍ଗ୍ ସୈନିକ ମେଁନେ ସେନାପତିକେ ସାର୍ଦା ଆଃଡିଙ୍ଗ୍ ନସା ଚେସ୍ଟା ତିଙ୍ଗ୍ । ଏଲେଡିଗ୍ କାଲାଆଃ ପାରାନ୍ନେ ଗଟ୍‌ନାରେ ମେଁ ନିଜର୍ ବେଲା ଝେଝିଗ୍ ଆଡିଙ୍ଗ୍ ଶୁ ।

୫ ମୁଇଙ୍ଗ୍ ଲୁଣ୍ଡେ ପୁରସକାର୍ ଜିନେ ନସା ଝିରନେ ସାପା ନିଅମ୍ ପାଲନ୍ ତିଙ୍ଗ୍ନେ ଦରକାର୍ ।

୬ ମୁଇଙ୍ଗ୍ ବିଗ୍‌ଜାରେ ନିଜେ କସ୍ତୁ ତିଙ୍ଗ୍ରେ ଆଣ୍ଟିନେ କିଆ ଆଲ୍ଲେ ବଏ ମେଁ ସେନ୍ତୁଗ୍ ଆତେନ୍ ଆଲ୍ଲେକ୍ଲେବାନ୍ ବଲେ ବାନ୍ନେ ଦରକାର୍ ।

୭ ନେଇଁ ଆଣିନେ ସାମୁଆଁ ବାସଙ୍ଗଣ୍ଡିଂ; ଆତେନ୍ ବିସୟରେ ଚିନ୍ତା ଡିଙ୍ଗିପା । ମାପୁ ଆପେକେ ସାପା ସାମୁଆଁ ଆଣ୍ଡେଇଁ ବୁଜେ ନସା ବସୁ ବିଏ ।

୮ ନେଇଁ ବାସଙ୍ଗମୁକ୍ତେ ନିମାଣ୍ଡା ସାମୁଆଁ ଅନୁସାରେ ଜାଣ୍ଡେ ଗୁଏଃତେ ବୁଆକ୍ତେ ଜିସୁ କିସଟ ଦାଉଦ ଇଃସାଙ୍ଗନେ ବସ୍ତକୁଲ୍, ଆମେକେ ମନେ ଏତେପା ।

୯ ଏନ୍ ନିମାଣ୍ଡା ସାମୁଆଁ ବାସଙ୍ଗ ଅଲେଇଁକ୍ତେସା ନେଇଁ ଦସି ରକମ୍ ରୁପଚାପ୍ ଡିଙ୍ଗିତେ କସ୍ ବାଣ୍ଡିଂକେ । ମାତର୍ ଇସପରନେ ବ୍ଲାଇରକେ ଜାଣ୍ଡେ ରୁପଚାପ୍ ଆଡିଙ୍ଗ ଆୟାଆର୍ ଶୁ ।

୧୦ ଏଲେଡିଗ୍ ନେଇଁ ତାଟ୍ ବାବରେ ଆତେନ୍ କସ୍ତୁଇଁ ସମ୍ପାଲେ ଣ୍ଡିଂ । ଡିରକମ୍ ନେଇଁ ଏନ୍ଇଁ ସାମ୍ପାଲେ କାରନ୍ ଇସପର ସି ବକ୍ତେ ରେମୁଆଁଇଁ କିସଟ ଜିସୁନେ ତାଗ୍ରା ଲେଃକ୍ତେ ଉଦାର୍ ବାରି ମାତାନେ ଆସିବାଦ୍ ବାଆର୍ଏ ।

୧୧ ଏନ୍ ରୁଦି ସଡ୍ ଡିଙ୍ଗିଏ;
ଜଦି ନେ ମେଁନେ ଏତେ ନେଗୁଏଃଏ

ତେଲା ନେ ମେଁନେ ଏତେ ନେମ୍ପୁଏ ।

୧୨ *ଜଦି ନେନେ କସ୍ ନେବାଏ

ତେଲା ନେନେ ମେଁନେ ଏତେ ସାସନ୍ ନେଡିଙ୍ଗିଏ ।

ଜଦି ନେନେ ଆମେକେ ଗ୍ରଅନ୍ ଡିଙ୍ଗି ନସା ମନା ନେଡିଙ୍ଗିଏ,

ତେଲା ମେଁ ଆନେକେ ଗ୍ରଅନ୍ ଡିଙ୍ଗି ନସା ମନା ଡିଙ୍ଗିଏ ।

୧୩ ଜଦି ନେ ଅବିସ୍ବାସ୍ ନେଡିଙ୍ଗିଲା

ଡିଗ୍ ମେଁ ବିସ୍ବାସ୍ରେ ଲେଃଏ ।

ତାଗ୍ଲା ମେଁ ନିଜର୍ ନସା ମିର୍ ଡିଙ୍ଗି ଆୟା ଶୁ ।

ବିସ୍ବାସ୍ରେ କାମ୍ ଡିଙ୍ଗିଣ୍ଡେ

୧୪ ଆତେନ୍ ସାମୁଆଁ ଆଣ୍ଡେଇଁ ରେମୁଆଁଇଁକେ କାଲାଆଃ ବାସଙ୍ଗପା । ପର୍ମେସର୍ ସାମ୍ନାନ୍ନିଆ ତରକ୍ ଆଡିଙ୍ଗି ବିଃପା ଜେ ମେଇଁ ସରାଃସିଃ ଝିଙ୍ଗିଆ ରିଙ୍ଗିଆ ଆଡିଙ୍ଗି ଆର୍ଲେ । ଅଡ୍କା ଅଡ୍କି ଡିଙ୍ଗିନେ ବାନ୍ ଆଜାଡିଗ୍ ଲାବ୍ ଆଡିଙ୍ଗି ଶୁ । ଜାଣ୍ଡେଇଁ ଏନ୍ ଅଆର୍ଏ ଆମେଇଁକେ ଆତେନ୍ ନସ୍ତୁ ଆଡିଙ୍ଗି ବିଏ ।

* ୨:୧୨ ମାଡିଉ ୧୦:୩୩; ଲୁକ୍ ୧୨:୯.

୧୫ ଯେ ଗିଆସ ମାଡ଼ିଙ୍ଗରେ ଜୀବର ବୁଲ ଶୁଭାବରେ ଇସ୍ପରନେ ସତ୍ତ୍ୱ ସାମୁଆଁ ବାସଙ୍ଗପା; ତେଲା ଯେ ବିସ୍ୱବାସରେ କାମ୍ ତିଂଶ୍ଚେ ରକମ୍ ଇସ୍ପରନେ ତାଗ୍ରା ମନ୍ଦକେ ଯେଝେଏ ।

୧୬ ପରମେସରନେ ବାନ୍ ପାଙ୍ଗଆଲେକ୍ଲେ ଦରକାର୍ ଶୁନେ ସାମୁଆଁ ଆଶ୍ଚେଙ୍ଗ ବାସଙ୍ଗ ମ୍ୟାକ୍ଲେ ରେମୁଆଁବାନ୍ ସ୍ଲୁ ଲାଲାପା । ଦେଡ୍ ରକମନେ ସାମୁଆଁ ପରମେସରନେ ବାନ୍ ମାଲେ ବାନ୍ ମାଲେ ସ୍ଲୁ ଲାଲାପା ।

୧୭ ଗାଗଡେ ବିତ୍ରେ ରଗ୍ ସାକେ ରକମ୍ ମେଁଇଂନେ ଦଦିଆ ବୁଦି ବ୍ୟାପେ ଝେଏ । ହୁମନାୟ ବାରି ପିଲାତ ଡିଙ୍ଗଡିଂକେ ଦେଡ୍‌ରକମ୍ ରେମୁଆଁ ।

୧୮ ମେଇଂ ସତ୍ତ୍ୱ ବୁଦି ଆନ୍ତାର୍ ବଆରକେ । ମେଇଂ ବାସଙ୍ଗ ଏ ଜେ ଗୁଏତେ ସାପାରେ ତତ୍ତ୍ୟାପାଙ୍ଗନେ ଗଟ୍‌ନା ଗଟେ ତାଲେଃକେ । ଆଡେନ୍ ମ୍ୟାୟା ରେମୁଆଁ ଉଡି ରେମୁଆଁଇଂନେ ବିସ୍ୱବାସ୍ ନସ୍ ଆଡିଙ୍ଗ୍ ଆରଡିଂକେ । ମାତର୍ ପରମେସରନେ ତାଟ୍ ମୁଲକା ଦେଡ୍‌ରକମ୍ ଲେଃକେ ।

୧୯ ମାତର୍ ଇସ୍ପର ଆଶ୍ଚିନେ ତାଟ୍ ମୁଲ ପାଶ୍ଚସୁନ୍ ତିଆର୍ ଡିଙ୍ଗବକେ ଆମେକେ ଜାଶ୍ଚେ ଆଃଡୁଗ୍ ଆୟା ଶୁ । ଆଡେନ୍ ମୁଲ୍ ବ୍ରି ଆଡାଡା ଗୁଆର୍ ବକେ; “ଇସ୍ପର ମେଁନେ ନିଜର୍ ରେମୁଆଁଇଂକେ ମ୍ୟାଏ ଜେ ନିଜେକେ ଇସ୍ପରନେ ରେମୁଆଁ ତାଗ୍‌ତେ ସ୍ଲାମୁଆଁ ବିତେ ମେଁ ସାପା ଦଦ୍ୟା କାମ୍‌ବାନ୍ ସ୍ଲୁ ଲେଃଏ ।”

୨୦ ମୁଇଙ୍ଗ୍ ମ୍ଲା ତୁଆ ସୁନା ବାରି ରୁପା ଜିନିସ୍ ଏତେ ତୁବଃ ବାରି ସୁଆନେ ଜିନିସ୍ ତିଗ୍ ଲେଃଏ । ଉଡି ଜିନିସ୍ ମ୍ଲା କାମ୍ ନ୍ୟା ଦରକାର୍ ତିଙ୍ଗ୍ଏ । ଉଡି ଜିନିସ୍ ତାଆଁ କାମ୍ ନ୍ୟା ଦରକାର୍ ତିଙ୍ଗ୍ଏ ।

୨୧ ଜାଶ୍ଚେ କି ସାପା ପାପ୍ କାମ୍ ବାନ୍ ନିଜେ ପବିତ୍ର ଲେଃଏ ମେଁ ମାପୁନେ ମ୍ଲା କାମ୍‌ନ୍ନିଆ ଦରକାର୍ ବିଏ ତାଗ୍ଲା ମେଁ ମାପୁନେ ତାଗ୍ରା ଦ୍ୟାନ୍‌ରେ ଲେଃକେ ମେଃନ୍‌ସା ମେଁ ଦରକାର୍ । ମେଃଡିଗ୍ ନିମାଶ୍ଚା କାମ୍‌ନ୍ନିଆ ଜଗ୍ ବିଃନ୍‌ସା ମେଁ ତିଆର୍ ତିଂଲେଃକେ ।

୨୨ ଙ୍ଗିରେଇଂ ଆଶ୍ଚିନେ ସାପା ଦଦ୍ୟା କାମ୍ ତିଙ୍ଗ୍ ନ୍ୟା ଇକ୍‌ତା ତିଙ୍ଗ୍ଏ, ଆଡେନ୍ ବାନ୍ ସ୍ଲୁ ଲାଲାପା । ଜାଶ୍ଚେଇଂ ପବିତ୍ର ମନ୍‌ରେ ମାପୁ ତାଗ୍ରା ପାରତନା ତିଂଆରଏ, ଦରମ୍ ବାବ୍‌ରେ ମ୍ଲୁ ନ୍ୟା ଜୀବର୍ ପରିସ୍ରମ୍ ତିଙ୍ଗ୍‌ପା । ବିସ୍ୱବାସ୍ ଆଲାଦ୍ ବାରି ସାନ୍ତି ବାନ୍‌ସା ଚେସ୍‌ଟା

ଡିଙ୍ଗିଆ । ଆଣ୍ଡିନେ ରେମୁଆଁଇଁଂ ମାପୁକେ ବିସ୍‌ବାସ୍ ଡିଙ୍ଗିଆରୁଏ ବାରି ଜାଣ୍ଡେଇଁନେ ପରଚଳ୍ ଗାଗଡ଼େ ମେଁଇଁନେ ଏତେ କୁଡ଼େତେ ଆତାନ୍ କାମ୍ ଡିଙ୍ଗିଆ ।

୨୩ ବାରି ମୁଇଁତର ବାସଙ୍ଗିଣ୍ଡିଂ ମିର୍ ବାରି ମୁର୍କ୍ ଅଡ଼କା ଅଡ଼କି ରେମୁଆଁ ବାନ୍ ସ୍ତୁ ଲାଲାପା । ପେ ମ୍ୟା ପେଲେକେ ଆକେନ୍ ସାପା ଡିଙ୍ଗିଡିଙ୍ଗେ ମାତର ଝିଙ୍ଗିଆ ରିଙ୍ଗିଆ କଲ୍‌କଲା ଆଡିଙ୍ଗିଏ ।

୨୪ ମାପୁକେ ସେବାଡିଙ୍ଗିଣ୍ଡେ_ ଅଡ଼କା ଅଡ଼କି ଡିଙ୍ଗିନେ ନିମାଣ୍ଡା ଶୁ । ମେଁ ସାପା ରେମୁଆଁନେ ତାଗ୍ରା ଦରମ୍ ଡିଙ୍ଗିନେ ଦରକାର୍ । ମେଁ ମୁଇଙ୍ଗି ନିମାଣ୍ଡା ମାସ୍‌ଟେର୍ ଡିଙ୍ଗିନେ ଦରକାର୍ । ମେଁ ଦରମ୍ ଲାଃଲେ ।

୨୫ ଜାଣ୍ଡେଇଁ ଆମେକେ ବିରଦ୍ ଡିଙ୍ଗିଏ ଆମେଇଁକେ ଦରମ୍ ବାବ୍‌ରେ ସିକେନେ ଦରକାର୍ । ଡିଙ୍ଗିପାରେ ପରମେସର୍ ମେଁଇଁନେ ଗାଗଡ଼େ ମୁଇଙ୍ଗି ବଦ୍‌ଲେନ୍‌ସା ଆସ୍ ବାଦ୍ ଡିଙ୍ଗିଏ ଆଣ୍ଡିନେବାନ୍ ମେଇଁ ସଡ଼କେ ଗ୍ରାଅନ୍ ଡିଙ୍ଗିଆରୁଏ ।

୨୬ ବାରି ଆଣ୍ଡିନେ ଗଲିଆ ଆମେଇଁକେ ମେଁନେ ଇକ୍‌ତାରେ କାମ୍ ଡିଙ୍ଗି ନସା ବନ୍ଦି ଡିଙ୍ଗି ବକେ ଚେତାବାଚେ ସଏତାନ୍‌ନେ ପାନ୍‌ବାନ୍ ଉଦାର୍ ବାଆରୁଏ ।

୩

ତାନେ ଜୁଗ୍

୧ ମନେ ବପା ତାନେ ଜୁଗ୍ ବେଲା ଜାବର୍ ବିପଦ୍ ପିଙ୍ଗିଟାଏ ।

୨ ଆଡେନ୍ ବେଲା ରେମୁଆଁ ମାତର ନିଜେ ନିଜେକେ ବାରି ଦନ୍‌ସମ୍‌ତିକେ ବଲ୍ ବାଆରୁଏ । ମେଇଁ ଆଙ୍କାର୍ ବାରି ଲବ୍ ଡିଙ୍ଗିଆରୁଏ । ବିନ୍ ରେମୁଆଁଇଁନେ ବିରଦ୍‌ରେ ଆନିନ୍‌ହାଚେ ବାସଙ୍ଗିଏ । ଇୟାଙ୍ଗ୍ ଆବାକେ ଆମାନେ ଶୁ । ମେଇଁ ଅନ୍‌ୟାୟ୍ ଡିଙ୍ଗିଏ । ପରମେସର୍‌ନେ ଇକ୍‌ତା ରକମ୍ ଜିବନ୍ ପାରାନ୍ ଆଡିଙ୍ଗିଆରୁ ଶୁ ।

୩ ମେଇଁ ଡିଙ୍ଗିଆରୁଏ ଦୟା ମାଡିଂ ରେମୁଆଁ, ଇଂସା, ନିନ୍‌ହାଣ୍ଡେ_ ବାରି ବୟଙ୍ଗାର୍; ସାପା ନିମାଣ୍ଡା ବିସୟ୍‌କେ ଇଙ୍ଗିଟେ ଆରୁଏ ।

୪ ମେଇଁ ଗରବ୍‌ରେ ବଡ଼ପନ୍ ଡିଙ୍ଗିଟେ ବିସ୍‌ବାସ୍‌ଗାତକ୍ ବାରି ବିଚାର୍ ଆଡିଙ୍ଗିଆରୁ ଶୁ; ମେଇଁ ଇସପର୍‌ନେ ପାର୍‌ତନା ବାନ୍ ତୁଙ୍ଗିଙ୍ଗି ତୁଙ୍ଗିପାଙ୍ଗିନେ ଜାବର୍ ସୁକ୍ ତାଗ୍‌ଟେ ମାନେଆରୁଏ ।

୫ ଦରମ୍ଭେ ସତେଆ ବପୁକେ ଇଙ୍ଗରେତେ ମେଇଁ ଦଦ୍ୟା ଦରମ୍ଭ କରମ୍ଭକେ କାଲାଆଃ ମନେ ତିଙ୍ଗିଆରୁଏ । କ୍ଳେଇଁନେ ବାନ୍ ପେ ନିଜେକେ ସୁଲୀଃଲୀପା ।

୬ କ୍ଳେଇଁନେ ବିତ୍ତେ ଉଡ଼ିରୁଆ ତୁଆକେ ତୁଆ ଝେତେ ଗରିବ୍ ସେଲାମ୍ବୁଃଃକେ ରସିଆ ଆଃତିଙ୍ଗିଏ । ଆତେନ୍ ସେଲାମ୍ବୁଃଃକେ ପାପ୍ ତିଙ୍ଗିଏ । ସାପା ରକମ୍ ଦଦିଆ ଇକ୍ତା ନ୍ୟା ଅଲେଇଁନେ ବାନ୍ ଏନ୍ ସେଲାମ୍ବୁଃଃକେ ପାପ୍ ତିଙ୍ଗିଆରୁଏ ।

୭ ଆତେନ୍ ସେଲାମ୍ବୁଃଃକେ ମି ବୁଦି ଆଣ୍ଡେଇଁ ସିକେନ୍ସା କାଲାଆଃ ଚେସ୍ତା ତିଙ୍ଗିଆରୁଏ ମାତର୍ ମେଇଁ ଅଃନାତିଗ୍ ସତ୍ତକେ ସମାନ୍ ବାବ୍ରେ ବୁଜେ ଆୟାଆରୁ ଶୁ ।

୮ ଯନ୍ନାସ୍ ବାରି ଯମ୍ବୁ₁ସ୍ ତିରକମ୍ ମୋଗାକେ ବିରଦ୍ ତିଙ୍ଗିବକେ ଦେଡ୍ ରକମ୍ ତାନେ ବେଲା ଦେକ୍ ଆରାମିଇଁ ସତ୍ତକେ ବିରଦ୍ ତିଙ୍ଗିଆରୁଏ ମେଇଁନେ ବାଆଃ ପାଗଲ୍ ତିଙ୍ଗିଏ ବାରି ମେଇଁନେ ଦର୍ମ ବିସ୍ବାସ୍ ସମାନ୍ ତିଙ୍ଗିଲେଃଏ ।

୯ ତାଗ୍ଲା ମେଇଁ ଜାବର୍ ସେନ୍ନଗ୍ ଝେଆୟାଆରୁ ଶୁ । ମେସୁଆ ସାପାରେ ମ୍ୟାଆରୁଏ ମେଇଁ ଉଡ଼ି ମୁର୍କ୍ । ଯନ୍ନାସ୍ ବାରି ଯମ୍ବୁ₁ସ୍କେ ପାରାନ୍ରେ ମେଇଁନେ ଗଟେଲେଃକେ ମେଇଁନେ ପାରାନ୍ ଦେଡ୍ରେକମ୍ ଗଟେଏ ।

ସାରାସାରି ସାମୁଆଁ

୧୦ ପେ ନେଇଁନେ ସିକ୍ୟା, ନେଇଁନେ ବେବଆର୍ ବାରି ନେଇଁ ଜିବନ୍ନେ ସାରାସାରି ଇକ୍ତା ଜାକ ପାଙ୍ଗ୍ପେଲେଃକେ । ନେଇଁ ବିସ୍ବାସ୍, ସାହାସ୍, ଆଲାଦ୍, ସାମ୍ବାଲେନେ ବପୁ, ନେଇଁନେ କସ୍ ବାରି ଦୁକ୍ନିଆ ପେ ଝେତା ପେଲେକେ ।

୧୧ *ପେ ମ୍ୟା ପେଲେକେ ତିରକମ୍ ଆଣ୍ଡିୟୋଖ ଇକନିୟ ବାରି ଲୁସ୍ତାନ୍ନିଆ ନେଇଁ ଜାବର୍ କସ୍ ବାନ୍ନେଃକେ । ମାତର୍ ତିରକମ୍ ମେ ଆତାନ୍ ସାପାକେ ମାପୁ ଆନେଇଁ ଉଦାର୍ ଆତିଙ୍ଗି ବକେ ।

୧୨ ସତ୍ତରେ ଜାଣ୍ଡେଇଁ କିସ୍ ଜିସୁନେ ଏତେ ଦରମ୍ଭ ଜିବନ୍ ପାରାନ୍ ତିଙ୍ଗିନ୍ସା ଇକ୍ତା ତିଙ୍ଗିଆରୁଏ ମେଇଁ କସ୍ ବାଆରୁଏ ।

* ୩:୧୧ ପ୍ରେରିଡ୍ ୧୩:୧୪-୫୨; ପ୍ରେରିଡ୍ ୧୪:୧-୭; ପ୍ରେରିଡ୍ ୧୪:୮-୨୦.

୧୩ ମାତର ବିନ୍ ଗାଲି ଖେଣ୍ଡେ ବାରି ନାଲେଣ୍ଡେକେ କାଲାଆଃ ନସ୍ତୁ ତିଙ୍ଗନେ ପାକା ହୁଂଖେଏ । ମେଇଂ ବିନ୍‌ଣେକେ ଜଟେଟେ ଇଡ଼ିଙ୍ଗ ନିଜକେ ଆଃଜଟେ ଆର୍ଏ ।

୧୪ ମାତର ପେ ଆଣ୍ଡିନେ ଆଦେସ୍ ସିକେପେଲେକେ ଆତେନ୍ ଆଣ୍ଡେଙ୍ଗକେ ପାଲନ୍ ତିଙ୍ଗପା । ପେ ମ୍ୟାପେଲେକେ ଜେ ଆତେନ୍ ବୁଦି ଆଣ୍ଡେଙ୍ଗ ସଡ଼ । ଜାଣ୍ଡେଇଂ ଆତେନ୍ ବୁଦି ଆଣ୍ଡେଙ୍ଗ ବିବକେ ଆମେଇଂକେ ପେ ମ୍ୟା ପେଲେଃକେ ।

୧୫ ତାଆଁ ବାନ୍ ପେ ପବିତ୍ର ସାସ୍ତ୍ର ଆଣ୍ଡେଙ୍ଗ ମ୍ୟାଃପେଲେଏ । ଆତେନ୍ ସାସ୍ତ୍ର ଆଣ୍ଡେଙ୍ଗ ଆପେକେ ଜ୍ଞାନି ଆଃଡ଼ିଙ୍ଗଏ ବାରି ଆତେନ୍ ବୁଦି କିସ୍ତ ଜିସୁନେ ଆଡ଼ାତ୍ରା ବିସ୍ତବାସ୍ ବାବରେ ଉଦାର ପାକା ଖାଡୁଗଂଖେଏ ।

୧୬ ସାପା ସାସ୍ତ୍ର ପର୍ମେସ୍‌ରେ ବାନ୍ ବିବକେ । ଏନ୍ ସଡ଼ ଗ୍ୟାନ୍ ନ୍ୟା ସଡ଼ ବିସ୍ତରେ ସିକ୍ୟା ନ୍ୟା ବୁଲ୍ ଚିକ୍ ତିଙ୍ଗ ନ୍ୟା ନିମାଣ୍ଡା ବାବରେ ବୁଆ ତିକେଃ ତିଙ୍ଗ ନ୍ୟା ସିକ୍ୟା ନ୍ୟା ଆକେନ୍ ଦର୍କାର୍ ଲେଃକେ ।

୧୭ ତିରକମ୍ ଇସ୍‌ପର୍‌ରେ ରେମୁଆଁ ପବିତ୍ର ତିଙ୍ଗଟେ ସାପା ରକମ୍ ସଡ଼କାମ୍ ତିଙ୍ଗ ନ୍ୟା ଦର୍କାର୍ ଲେଃକେ ବପୁ ବାରି ବୁଦି ଲାବ୍ ତିଙ୍ଗଆର୍ଏ ।

୪

୧ ଇସ୍‌ପର୍‌ରେ ସାମ୍‌ନାନ୍ନିଆ ବାରି ସାପା ମ୍‌ଲେକେ ବାରି ଗୁଏଃକେ ରେମୁଆଁଇଂନେ ବିଚାର୍ ତିଙ୍ଗ ନ୍ୟା ବାରି ସାସନ୍ ତିଙ୍ଗ ନ୍ୟା ପାଙ୍ଗତିଙ୍ଗକେ କିସ୍ତ ଜିସୁନେ ସାମ୍‌ନାନ୍ନିଆ ମେନେ ରାଜ୍ୟନେ ନିମାଣ୍ଡା ବ୍ଲାଲିର୍ ବାଲିର୍ ଅଲେଙ୍ଗ ନ୍ୟା ନେଙ୍ଗ ଆପେକେ ଏନ୍ ଆଦେସ୍ ବିଃଣ୍ଡିଂ ।

୨ ବ୍ଲାଲିର୍ ବାସଙ୍ଗପା, ବେଲା କି ଅବେଲା ବିଚାର୍ ଆଡ଼ିଙ୍ଗଟେ ପେ କାଲାଆଃ ଆତେନ୍ ବିସ୍ତ ଆଡ଼ାତ୍ରା ଦ୍ୟାନ୍ ବିଟେ ବୁଜେପା; ବାରି ଦମକ୍ ଆରି ସାର୍ଦା ବିଃପା ।

୩ ଦିନ୍ ପାଙ୍ଗଏ ଉଡ଼ିବେଲା ରେମୁଆଁ ସଡ଼ ବୁଦିକେ ଆଅଁ ଆର୍ଏ ଶୁ । ମାତର ରେମୁଆଁ ଜାବର୍ ବାନ୍ ଜାବର୍ ନିଜେ ମନ୍‌କେ ଖେକେ ବୁଦି ବଣ୍ଡ ସିକ୍ୟାକେ ଇଂନେ ବାନ୍ ଅଁଆର୍ଏ ବଣ୍ଡଇଂ ଆମେଇଂକେ ସାଡ଼ି ତିଙ୍ଗକେ ରକମ୍ ସାମୁଆଁ ବାଲିର୍ଏ ।

୪ ସତ୍ତ୍ୱ ବୁଲିବି ଆଥାଁ ଆର ଶୁ ମିତ୍ତ ବୁଲିବି ଆଡ଼ାଡ଼ା ମନ୍ ବିଚେ ଦ୍ୱିଗ୍ ଆରୁଏ ।

୫ ମାତର ପେ ସାପା ବିସୟନ୍ନିଆ ତରକ୍ ଡିଙ୍ଗିପା କସ୍ତୁ ପାଙ୍ଗିଲା ଆଡେନ୍ ଆଣ୍ଡେଙ୍ଗ ସାମ୍ପାଲେପା । ନିମାଣ୍ଡାସାମୁଆଁ ବାଲିର ଅଲେଙ୍ଗପା । ପରମେସରନେ ସେବାଣ୍ଡେ ରକମ୍ ସାପା କାମ୍ ଡିଙ୍ଗି ଲାଲାପା ।

୬ ନେଙ୍ଗନେ ପାରାନ୍‌କେ ସରପେ ବିଚେ ଏନ୍ ମଞ୍ଚପୁରକେ ଆଡାରନେ ବେଲା ପାଙ୍ଗିଡିଙ୍ଗକେ ।

୭ ପାରାନ୍ ଏଡେ ନେଙ୍ଗ ପାରାନ୍ ବିଃଚେ ଜୁଦ୍ ଡିଂମୁକେ । ପାରାନ୍‌ରେ ନେଙ୍ଗ ସାରାସାରି ଗାଲିଜାକ ଝେଟା ନ୍‌ଲେଃକେ ନେଙ୍ଗନେ ବିସ୍‌ବାସରେ ନେଙ୍ଗ ବିସ୍‌ବାସ ରକ୍ୟା ଡିଙ୍ଗିମୁକେ ।

୮ ଏବେ ଜିଡେନେ ମୁକୁଟ୍ ଆନେଙ୍ଗକେ ଉର୍ ଲେଃକେ । ପରମେସର୍ ଏଡେ ଦରମ୍ ଡିଙ୍ଗି କ୍ଲେଃକେସାଃ ନେଙ୍ଗ ଆଡେନ୍ ମୁକୁଟ୍ ମୁଏ । ମାପୁ ନ୍ୟାୟ୍ ଅନ୍‌ନ୍ୟାୟ୍ ବିଚାର୍ ଡିଙ୍ଗିଏ । ଆଡେନ୍ ମୁଦିନ୍‌ରେ ମାପୁ ଆନେଙ୍ଗ ଜିଡେନେ ମୁକୁଟ୍ ଆଞ୍ଜାଡେଗ୍‌ଏ । ତାଗ୍ଲା ଆନେଙ୍ଗ ଶୁ ଆଲାଦ୍ ବକ୍ତି ଏଡେ ଜାଣ୍ଡେଇଂ ମେଁନେ ପାଙ୍ଗିନେ ବାରି ଆମେକେ ଉର୍ ଲେଃଆରକେ ସାପାରେକେ ମେଁ ଜିଡେନେ ମୁକୁଟ୍ ଆଞ୍ଜାଡେଗ୍‌ଏ ।

ନିଜର୍ ସାମୁଆଁ

୯ ଦାପ୍ରେ ନେଙ୍ଗ ତାଗ୍ଲା ପାଙ୍ଗି ନ୍‌ସା ଚେସ୍‌ଟା ଡିଙ୍ଗିପା ।

୧୦ ☆ଦୀମ ମଞ୍ଚପୁରକେ ଆଲାଦ୍ ଡିଂଚେ ଆନେଙ୍ଗ ଆନ୍ତାର ବିବକେ । ମେଁ ଏବେ ଡେସଲନିକିୟନ୍ନିଆ । କ୍ରେସକେନେସ୍ ଗାଲାଡିୟକେ ବାରି ତିତସ୍ ତଲମାଡିଆନ୍ନିଆ ଝେଲେଃଆରକେ ।

୧୧ ☆ମାତର୍ ଲୁକ୍ ନେଙ୍ଗ ତାଗ୍ଲା ଲେଃକେ । ପେ ଏଡେ ମାରକକେ ଞ୍ଜା ତୁଂପାଙ୍ଗିଲାପା; ମେଁ ଆନେଙ୍ଗ ନେଙ୍ଗ କାମ୍‌ନ୍ନିଆ ସାଞ୍ଜ ଡିଙ୍ଗିଏ ।

୧୨ ☆ତୁଣ୍ଡକସକେ ନେଙ୍ଗ ଏଫିସିୟ ନଗର୍‌ନ୍ନିଆ ବେମୁକେ ।

୧୩ ☆ତ୍ରୋୟା ଇନିନ୍ନିଆ କାର୍ପସନେ ତାଗ୍ଲା ନେଙ୍ଗ ଆଣ୍ଡିନେ ସକା ଆଃଡାର୍‌ଚେ ପାଙ୍ଗି ନ୍‌ଲେଃକେ ପେ ପାଙ୍ଗିନେ ବେଲା ଆମେକେ

☆ ୪:୧୦ କଲସିୟ ୪:୧୪; ପିଲିମନ୍ ୧:୨୪; ୨ କରିନ୍‌ଡିୟ ୮:୨୩; ଗାଲାଡିୟ ୨:୩; ତିତସ୍ ୧:୪. ☆ ୪:୧୧ କଲସିୟ ୪:୧୪; ପିଲିମନ୍ ୧:୨୪; ପ୍ରେରିଡ୍ ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ପିଲିମନ୍ ୧:୨୪. ☆ ୪:୧୨ ପ୍ରେରିଡ୍ ୨୦:୪; କଲସିୟ ୪:୭,୮. ☆ ୪:୧୩ ପ୍ରେରିଡ୍ ୨୦:୭.

ସଙ୍ଗେ ତୁଙ୍ଗ ପାଞ୍ଜିଲାପା । ନେଙ୍ଗନେ ବଇ ଉଗ୍‌ସା ବଇ ଆଣ୍ଡେଙ୍ଗ ଡିଗ୍
ତୁଙ୍ଗ ପାଞ୍ଜିଲାପା ।

୧୪ *କଂସାରି ଆଲେକ୍‌ଜାଣ୍ଡାର ନେଙ୍ଗନେ ଜାବର୍ ଦଦ୍ୟା ଡିଙ୍ଗ
ବକେ; ମାପୁନେ ବାନ୍ ମେଁ ନିଜର୍ କାମ୍ ଅନୁସାରେ ପଲ୍ ବାଏ ।

୧୫ ନିମାଣ୍ଡା ସାମୁଆଁ ବାଲିର୍ କେଲା ମେଁ ଜବର୍ ବିରଦ୍ ଡିଙ୍ଗ ବକେ
ତେସା ମେଁନେ ତାଗ୍ରା ପେ ତରକ୍‌ରେ ଲାଲାପା ।

୧୬ ସେନୁଗ୍ ଉଡ଼ିବେଲା ଆନେଙ୍ଗ ନିଜର୍ ଆମ୍ ସର୍ପେକେଲା
ପଡ଼େଲେଃକେ, ଜାଣ୍ଡେ ନେଙ୍ଗ ତାଗ୍ରା ଆଲେଃଆରକେ ଶୁ ସାପାରେ
ଆନେଙ୍ଗ ଆଃତାରରେ ଝିଗ୍‌ଆକେ । ଇସ୍‌ପର୍ ଆମେଇଂକେ ଏନ୍ ଦସ୍
ଆସାଃଲେ ।

୧୭ ମାତର୍ ମାପୁ ନେଙ୍ଗନେ ପାକା ଡିଙ୍ଗରେ ଆନେଙ୍ଗ ବପୁରେ
ଆଃଡିଙ୍ଗକେ ବାରି ନେଙ୍ଗ ସିଂଅଁ ସାମୁଆଁବାନ୍ ରକ୍ୟା ମ୍ବାକେ ଡିରକମ୍
ନେଙ୍ଗ ବାନ୍ ନିମାଣ୍ଡା ସାମୁଆଁ ସାପା ରକମ୍ ବାସଙ୍ଗ ଡିଙ୍ଗ ପାରେ ବାରି
ଅଣଜିଉଦିଇଁ ସାପାରେ ଆଡେନ୍ ଅଁ ଯାଆର୍ଏ ।

୧୮ ମାପୁ ଆନେଙ୍ଗ ସାପା ଦଦ୍ୟା କାମ୍‌ବାନ୍ ଉଦାର୍ ଆଃଡିଙ୍ଗଏ ବାରି
ଆନେଙ୍ଗ ରକ୍ୟା ଡିଙ୍ଗରେ ନିଜର୍ କିତଂ ରାଜିନ୍ନିଆ ଆଃଝେଟାଏ; ଜୁଗ୍
ଜୁଗ୍ ମେଁନେ ମଇମା ଡିଙ୍ଗଲେ । ଆମେନ୍ ।

ସାରାସାରି ସାରଲନେ

୧୯ *ପ୍ରିୟା ବାରି ଆକ୍‌ଲା ବାରି ଅନୀସିଫରନେ ପରିବାରକେ
ନେଙ୍ଗନେ ନମସ୍ତାର୍ ଆଃଅଁପା ।

୨୦ *ଏରାଷ୍ଟ୍ କରିଛନ୍ନିଆ ଲେଃକେ ମାତର୍ ତ୍ରୁଫିମ୍ ଆଃସିଲେଲା
ନେଙ୍ଗ ଆମେକେ ମିଲୀଟସ୍‌ନିଆ ଆଃତାରରେ ପାଙ୍ଗ୍ ନଲେଃକେ ।

୨୧ ରାସକିଗ୍ ମାପାଙ୍ଗନେ ସେନୁଗ୍ ନେଙ୍ଗ ତାଗ୍ରା ପାଙ୍ଗ୍ ନସା
ଚେସ୍‌ଟା ଡିଙ୍ଗପା । ଇଉରୁଲସ୍, ପୁଦେନସ୍, ଲିନସ୍, କ୍ଲୋଦିୟା ବାରି
ସାପା ବିସ୍‌ବାସି ବୟାଁ ତନାଇଁ ସାରଲ ଡିଙ୍ଗ୍‌ଆରଡିଂକେ ।

୨୨ ମାପୁ ପେନେ ଆମ୍‌ନ୍ନିଆ ବାସା ଲାଃଲେ । ଇସ୍‌ପର୍‌ନେ ଲିବିସ୍
ପେ ସାପାରେନେ ଏଡେ ଲାଃଲେ ।

* ୪:୧୪ ୧ ଭାଗ ୧:୨୦; ରମିୟ ୨:୬. * ୪:୧୯ ପ୍ରେରିଡ୍ ୧୮:୨; ୨ ଭାଗ ୧:୧୬, ୧୭.

* ୪:୨୦ ପ୍ରେରିଡ୍ ୧୯:୨୨; ରମିୟ ୧୬:୨୩; ପ୍ରେରିଡ୍ ୨୦:୪; ୨୧:୨୯.

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯୀଶୁ ମାତ୍ରେନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c